



Borgarstjórnin í Reykjavík

Reykjavík, 2. júlí 2020

R20060279

4450

óm

Skóla- og frístundasvið

Borgartúni 12-14
105 REYKJAVÍK

Fjölgun nemenda í Suðurlíðaskóla


Á fundi borgarráðs þann 2. júlí 2020 var lagt fram bréf skóla- og frístundasviðs, dags. 25. júní 2020, sbr. samþykkt skóla- og frístundaráðs frá 24. júní 2020 á tillögu um fjölgun nemenda í Suðurlíðaskóla, ásamt fylgiskjöllum.

Borgarráð samþykkti erindið.

Borgarráðsfulltrúi Vinstri grænna sat hjá við afgreiðslu málsins.

Helga Björk Laxdal

e.u.





Ráðhús Reykjavíkur

Borgarráð

Efni: Umsókn Suðurhlíðarskóla um að heimilt verði að greiða framlag vegna fleiri nemenda með lögheimili í Reykjavík

Skóla- og frístundasvið hefur haft til meðferðar umsókn Suðurhlíðarskóla um að greitt verði framlag vegna 51 nemenda með lögheimili í Reykjavík í stað 41. Vegna gagnaöflunar náðist ekki að leggja málið fyrir skóla- og frístundaráð til afgreiðslu fyrir sumarleyfi. Meðfylgjandi er minnisblað sviðsstjóra skóla- og frístundasviðs, dags. 27. júní 2021, umsögn fjármála- og áhættustýringarsviðs dags. 21. júní 2021, þjónustusamningur dags. 13. maí 2019 og viðauki við framangreindan þjónustusamning dags. 30. júlí 2020.

Með vísan til meðfylgjandi gagna er óskað eftir að málið verði afgreitt með eftirfarandi hætti:

Lagt er til með vísan til minnisblaðs sviðsstjóra, dags. 27. júní 2021, að viðmið um hámarksfjölda nemenda með lögheimili í Reykjavík sem heimilt er að greiða framlag vegna til Suðurhlíðarskóla verði breytt með þeim hætti að miðað verði við að hámarksfjöldi geti orðið 51 í stað 41 frá upphafi skólaárs 2021-2022. Sviðstjóra er falið að gera viðauka við núgildandi samning aðila, dags. 13. maí 2019, þar sem kveðið er á um fjölgun reykvískra nemenda sem heimilt er að greiða framlag vegna. Breyting taki gildi frá og með skólaárinu 2021-2022 þann 23. ágúst 2021.

Virðingarfyllt

Helgi Grímsson

sviðsstjóri skóla- og frístundasviðs



MINNISBLAÐ

Viðtakandi: Skóla- og frístundaráð

Sendandi: Helgi Grímsson, sviðsstjóri skóla- og frístundasviðs

Efni: Umsókn Suðurhlíðarskóla um að heimilt verði að greiða framlag vegna aukins fjölda reykvískra nemenda

I Umsókn Suðurhlíðarskóla um að heimilt verði að greiða framlag vegna fleiri reykvískra nemenda

Með bréfi Suðurhlíðarskóla, kt. 440169-3259, dags. 23. apríl 2021, er óskað eftir að greitt verði framlag vegna 51 reykvískra nemenda í Suðurhlíðarskóla frá og með skólaárinu 2021-2022. Í umsókninni kemur fram að þann 2. júlí 2020 hafi verið samþykkt að hámarksfjöldi reykvískra nemenda sem heimilt væri að greiða framlag væru 41. Þetta skólaár hafi verið 37 nemendur með lögheimili í Reykjavík en í Suðurhlíðarskóla séu 52 nemendur. Óskað sé eftir breytingu á viðmiði um fjölda nemenda þannig að skólinn verði hagstæðari rekstrareining. Með umsókninni fylgdu upplýsingar um stuðning skólaráðs Suðurhlíðarskóla. Með bréfi skólans, dags. 12. maí 2021, voru veittar viðbótarupplýsingar um starfsemi skólans og í tölvuskeyti, dags. 21. júní 2021, upplýsir skólinn um að nú þegar séu 40 reykvískir nemendur skráðir í skólann. Enn sé svigrúm út frá stærð bekkja til að bæta við nemendum. Þá kemur fram að mikilvægt sé að fleiri nemendur bætist við skólann þar sem það sé fjárhagslega betra og einnig nauðsynlegt fyrir félagslíf skólans.

II Þjónustusamningur Reykjavíkurborgar og Suðurhlíðarskóla og fjöldi nemenda

Þjónustusamningur um framlag vegna nemenda skólans sem eiga lögheimili í Reykjavík og fósturbarna ef fósturforeldrar eiga lögheimili í Reykjavík, tók gildi 10. júní 2019 og var staðfestur af Menntamálastofnun þann 31. janúar 2020. Framangreindur samningur, dags. 13. maí 2019, gildir til þriggja ára og er heimilt að greiða samkvæmt honum, framlag vegna allt að 36 reykvískra nemenda. Þann 30. júlí 2020 var gerður viðauki við þjónustusamninginn en samkvæmt honum er heimilt að greiða framlag vegna allt að 41 nemenda frá og með skólaárinu 2020-2021.

Í maí 2021 var greitt framlag vegna 36 reykvískra nemendur í Suðurhlíðarskóla.

III Upplýsingar varðandi húsnæði grunnskólans

Skv. fyrirbyggjandi gögnum á skóla- og frístundasviði er núverandi húsnæði Suðurhlíðarskóla að Suðurhlíð 26, Reykjavík, samtals 1.094,5 m² og kennslurými þar fyrir allt að 100 börn miðað

við viðmið skóla- og frístundasviðs um 11 m² pr. nemenda. Skv. upplýsingum sem aflað var í tengslum við staðfestingu þjónustusamnings 2019 er aðstaða og aðgengi í samræmi við lög og reglugerðir, mötuneyti til staðar og vinnuaðstaða fyrir starfsmenn. Íþróttakennsla fer fram í íþróttasal Klettaskóla og utan dyra, ýmist á skólalóð eða í nánasta umhverfi skólans. Skólalóð er vel afmörkuð og nánasta umhverfi skólans nýtt til útivistar og útináms. Unnið er að endurbótum á skólalóð í samræmi við nýlega úttekt Heilbrigðiseftirlits Reykjavíkur. Samkvæmt upplýsingum frá skólanum þarf að innrétta aukasnyrtingar sem gert er ráð fyrir að verði gert ef nemendum fjölgar yfri 55. Í tölvuskeyti, dags. 16. júní 2020, staðfesti skólastjóri Suðurlíðarskóla þann skilning að húsnæðið geri ráð fyrir 100 nemendum og u.þ.b. 20 starfsmönnum. Á heimasíðu skólans sé tekið fram að pláss sé fyrir 60-80 nemendur. Ástæðan að baki þessu sé skipulag í námshópum en ekki húsnæðið sjálft. Af framangreindu virtu telur skóla- og frístundasvið að núverandi húsnæði rúmi umbeðna fjölgun nemenda.

Skóla- og frístundasviði hafa borist gögn og upplýsingar frá Suðurlíðarskóla til samræmis við reglugerð nr. 1150/2018, um sjálfstætt rekna grunnskóla. Þar kemur fram að á undanföllum tveimur árum hefur verið unnið markvisst að því að uppfæra skólanámskrá skólans, starfsáætlun og samþykktir um skólann. Skólinn er nú virkur þátttakandi í ýmsum þróunar- og samstarfsverkefnum, bæði innan skólans og í samstarfi við aðra. Á heimasíðu skólans eru komnar ítarlegri upplýsingar um skólastarfið og skólasamfélagið. Fagskrifstofa grunnskóla hefur lagt mat á framlögð gögn og telur þau fullnægjandi.

Samkvæmt upplýsingum frá Suðurlíðarskóla eru 38 reykvískir nemendur skráðir í Suðurlíðarskóla næsta skólaár. Ekki er búið að samþykkja þrjá nemendur af þeim 38. Flestir nemendur eru á miðstigi, 6. bekk og í 7. og 8. bekk. Rými er til að bæta við nemendum í 9. bekk og í 4. og 5. bekk. Þá eru engir reykvískir nemendur í 1. og 2. bekk en kveðst skólinn ætla að auglýsa það sérstaklega næstu þrjár vikur.

IV Helstu ákvæði grunnskólalaga og reglugerðar um sjálfstætt rekna grunnskóla

Í 1. málslíð 1. gr. laga um grunnskóla nr. 91/2009 kemur fram að lögin taka til grunnskóla á vegum sveitarfélaga, til sjálfstætt rekinna grunnskóla og til viðurkennds náms á grunnskólastigi.

Skv. 1. mgr. 43. gr. a. laga um grunnskóla nr. 91/2008, með síðari breytingum, skal sveitarfélag sem skóli starfar í gera þjónustusamning um rekstur skólans við rekstraraðila. Samningur felur í sér samþykki sveitarfélags fyrir stofnun skólans, staðfestingu á rétti til fjárframlaga skv. 43. gr. b og skuldbindingu sveitarfélags um að hafa eftirlit með starfi hans. Skv. 3. mgr. 43. gr. a getur sveitarfélag hafnað því að gera þjónustusamning eða takmarkað hann við tiltekinn nemendafjölda, t.d. ef fjárframlögð til skólanna kunna að hafa neikvæð áhrif á skólastarf sveitarfélagsins sjálfs og fjárveitingar til þess.

Skv. 43. gr. b. laga um grunnskóla nr. 91/2008 með síðari breytingum á sjálfstætt rekinn grunnskóli sem gert hefur þjónustusamning rétt á framlagi úr sveitarsjóði til starfsemi sinnar vegna nemenda sem hafa lögheimili í því sveitarfélagi sem skólinn starfar í. Skal framlagið nema að lágmarki 75% af vagnu meðaltali heildarrekstrarkostnaðar allra grunnskóla sem reknir eru af sveitarfélögum í landinu á hvern nemanda samkvæmt útreikningi Hagstofu Íslands. Gildir þetta hlutfall fyrir skóla með allt að 200 nemendur, en framlagið skal vera að lágmarki 70% fyrir hvern nemanda umfram þann fjölda.

Skv. 2. og 3. mgr. 3. gr. reglugerðar nr. 1270/2016 um ákvörðun framlaga úr sveitarsjóði til sjálfstætt rekinna grunnskóla skal útreikningur Hagstofu Íslands vegna komandi skólaárs liggja

fyrir í september ár hvert. Útreikningur skal byggður á ársreikningum sveitarfélaga fyrir liðið ár, að teknu tilliti til verðlagsbreytinga til þess dags sem útreikningur er gerður. Verðlagsbreytingar skulu taka mið af almennum launahækkunum starfsmanna grunnskóla og breytingum á vísitölu neysluverðs að teknu tilliti til vægis hvors þáttar fyrir sig í rekstrarkostnaði grunnskólanna. Hagstofa Íslands tekur saman 90 dögum eftir að viðmiðunarmánuði lýkur og birtir fimmta dags hvers mánaðar, á tímabilinu frá október og fram til ágúst, framreiknað framlag skv. 1. mgr. Við framreikning þess skal tekið tillit til verðlagsbreytinga sem orðið hafa frá ákvörðun framlags skv. 1. mgr., þ.e. almennra launahækkana starfsmanna grunnskóla og breytinga á vísitölu neysluverðs, miðað við vægi hvors þáttar í rekstrarkostnaði grunnskóla.

Jafnframt er fjallað um framangreint í reglugerð um sjálfstætt rekna grunnskóla nr. 1150/2018.

Tekið er fram að sveitarfélögum er heimilt á grundvelli 7. tl. 43. gr. laga um grunnskóla og stjórnarskrárvarins réttar sveitarfélaga til sjálfstjórnar samkvæmt 78. gr. stjórnarskrár lýðveldisins Íslands, sbr. lög nr. 33/1944, að takmarka fjárframlög sín til sjálfstætt rekinna grunnskóla en tekjustofnar sveitarfélaga skulu ákveðnir með lögum, svo og réttur þeirra til að ákveða hvort og hvernig þeir eru nýttir, sbr. einnig 1. gr. og 2. mgr. 8. gr. sveitarstjórnarlaga nr. 138/2011.

V Upplýsingar um fjárhagsleg áhrif

Áætlaður árlegur rekstrarkostnaður á hvern nemanda í grunnskólum, sem reknir eru af sveitarfélögum, var kr. 2.265.632,- í maí 2021. Miðað við að greitt sé 75% af þeirri fjárhæð er árlegur rekstrarkostnaður á hvern nemanda kr. 1.699.224,- (dreifist á 9 mánuði, september til maí).

Fjárhagsáætlun skóla- og frístundasviðs vegna framlaga til sjálfstætt rekinna grunnskóla miðast við nemendafjölda þeirra að hausti á rekstrarári á undan. Skóla- og frístundasvið fær auknar fjárheimildir í samræmi við fjölgun/fækkun og verðlagsbreytingar framlags á fjárhagsárinu. Hækkun viðmiðs um hámarksfjölda skilar því ekki hækkun á fjárheimildum en eins og með magntölur í borgarreknum skólum þá er nemendafjölgun á fjárhagsári ávallt bætt.

Kostnaður við hvert barn á mánuði er ári er kr. 1.699.224 eða kr. 188.803 á mánuði miðað við að greiðslu á 9 mánuðum.

Ef fallist verður á að heimilt sé að greiða framlag vegna tíu reykvísra nemenda til viðbótar við þá 41 sem nú er heimilt að greiða framlag vegna frá og með skólaárinu 2021-2022 er kostnaðurinn eftirfarandi miðað við ofangreinda forsendur:

Haustönn 2021 kr. 188.803 *10 nemendur * 4 mánuðir = kr. 7.552.120,-
Fjárhagsárið 2022 kr. 188.803 *10 nemendur *9 mánuðir = kr. 16.992.240,-


Fjárhagsáætlun skóla- og frístundasviðs felur ekki í sér fjárheimildir fyrir mögulegri fjölgun nemenda í Suðurhlíðarskóla. Forsenda fyrir fjölgun nemenda er að sviðið fái viðauka við fjárheimildir á árinu 2021 og að fjárhagsrammi 2022 feli í sér fjárheimildir til samræmis við aukinn kostnað.

Fyrir liggur umsögn fjármála- og áhættustýringarsviðs Reykjavíkur, dags. 21. júní 2021.

VI Umsögn skóla- og frístundasviðs

Fagskrifstofa grunnskólamála skóla- og frístundasviðs mælir með að frá og með skólaárinu 2021 – 2022 verði heimilt að greiða framlag vegna allt að 51 reykvískum grunnskólanemendum í Suðurlíðarskóla í stað 41 og að gerður verði viðauki við þjónustusamning, dags. 10. júní 2019, þar að lútandi.

Virðingarfyllt

A handwritten signature in black ink, reading "Heðin Grímsdóttir". The signature is written in a cursive, slightly slanted style.

sviðsstjóri skóla- og frístundasviðs

Umsögn

Viðtakandi: Sviðstjóri skóla- og frístundasviðs
Sendandi: Sviðstjóri fjármála- og áhættustýringarsviðs

Efni: Að heimilt verði að greiða framlag vegna fleiri reykvískra nemenda í Suðurhlíðarskóla.

Óskað hefur verið eftir að fjármála- og áhættustýringarsvið taki til umsagnar tillögu sviðstjóra skóla- og frístundasviðs um umsókn Suðurhlíðarskóla. Skólinn hefur óskað eftir að heimilt verði að greiða framlag vegna fleiri reykvískra nemenda þ.e. að heimilt verði að greiða framlag vegna 51 nemenda í stað 41.

Sjálfstætt rekinn grunnskóli sem hefur gert þjónustusamning við sveitarfélag á rétt á framlagi úr sveitarsjóði til starfsemi sinnar vegna nemenda sem hafa lögheimili í því sveitarfélagi sem skólinn starfar. Skal framlagið nema að lágmarki 75% af vagnu meðaltali heildarrekstrarkostnaðar allra grunnskóla sem reknir eru af sveitarfélögum í landinu skv. útreikningi Hagstofu Íslands. Gildir þetta hlutfall fyrir skóla með allt að 200 nemendur, en framlagið skal vera að lágmarki 70% fyrir hvern nemanda umfram þann fjölda. Kostnaður þessi var kr. 2.265.632 í maí 2021. Miðað við að greitt sé 75% af þeirri fjárhæð er árlegur rekstrarkostnaður á hvern nemanda kr. 1.699.224 (dreifist á 9 mánuði, frá september til maí).

Framlög til Suðurhlíðarskóla

Eftirfarandi tafla sýnir hvernig framlög borgarinnar til Suðurhlíðarskóla breytast m.v. 10 viðbótarnemendur. Framlög til Suðurhlíðarskóla myndu vegna þessar óskar hækka um 17 m.kr.

Ósk um framlög til Suðurhlíðarskóla			
Meðaltal kostnaður pr.nem Ísland maí 2021:			2.265.632
Núverandi:	Börn	Framlag	
	41	75%	69.668.184
			69.668.184
Aukin heimild	Börn	Framlag	
	51	75%	86.660.424
			86.660.424
Auka fjárheimildir			16.992.240

Áhrif á fjárheimildir sviðsins

Fjárheimildir sviðsins vegna grunnskólabarna ráðast af endanlegum barnafjölda og hvernig nemendur skiptast í borgarrekna og sjálfstætt starfandi grunnskóla.

Til skemmri tíma litið er ekki raunhæft að gera ráð fyrir að hægt sé að lækka fastan kostnað í borgarreknum grunnskólum þó að fleiri börn fari í sjálfstætt starfandi skóla, því fjármagn er m.a. bundið í húsakosti borgarinnar og ýmsum öðrum föstum rekstrarkostnaðarliðum sem ekki er hægt að skera niður þó að um lítilsháttar fækkun nemenda sé að ræða milli ára.

Til skemmri tíma er því eðlilegra að bera saman breytilegan kostnað borgarrekinnna grunnskóla við framlag sem greitt er til sjálfstætt starfandi grunnskóla. Slíkur samanburður er þó háður töliverðri óvissu þar sem ekki er ljóst hvernig þessi 10 börn myndu ráðast í borgarrekna grunnskóla. Ef börnin ráðast þannig að fjölga þurfi bekkjum í borgarreknum skólum, þá yrði kostnaðaraukin óverulegur við að greiða í staðinn framlag til sjálfstætt starfandi grunnskóla. Ef fjöldi bekkja í borgarreknum skólum verður hins vegar óbreyttur, þ.e. betri nýting bekkja, þá má gera ráð fyrir auknum kostnaði borgarinnar við að greiða framlag til sjálfstætt starfandi skóla.

Vegna framangreindrar óvissu um skiptingu barna á milli skóla er nauðsynlegt að gera ráð fyrir að fjármagna þurfi að fullu þá fjölgun sem verður í Suðurhlíðarskóla verði umsóknin samþykkt. Þó er vakin athygli á því að sjálfstætt starfandi skólar fá fjárheimildir í samræmi við barnafjölda hvers árs. Hækkun viðmiðs um hámarksfjölda skilar því ekki hækkun á fjárheimildum sé heimildin um viðbótar 10 nemendur ekki nýtt.

Rétt er þó að benda á að fyrir næsta skólaár eru einungis 38 nemendur skráðir og þar af þrír sem er ekki búið að samþykka. Ekki er því verið að full nýta núverandi heimild. Réttast væri að bíða með að auka heimildina þar til sýnt er fram á að aðsókn í skólan kalli eftir því.

*Halldóra Káradóttir,
sviðsstjóri fjármála- og áhættustýringarsviðs.*

ÞJÓNUSTUSAMNINGUR

Skóla- og frístundasvið Reykjavíkurborgar, kt. 530269-7609, hér eftir SFS og Suðurhlíðarskóli, kt. 440169-3259, Suðurhlíð 36, Reykjavík, hér eftir skólinn, gera með sér eftirfarandi þjónustusamning um framlag vegna nemenda í skólanum sem eiga lögheimili í Reykjavík og fósturbarna ef fósturforeldrar eiga lögheimili í Reykjavík. Samningurinn gildir um rekstur grunnskóla en ekki rekstur frístundaheimilis.

1. gr. Skilyrði

Starfsemi og starfsaðstaða skólans skal á hverjum tíma vera í samræmi við gildandi lög um grunnskóla nr. 91/2008, með síðari breytingum og lög um menntun og ráðningu kennara og skólastjórnenda við leikskóla, grunnskóla og framhaldsskóla nr. 87/2008, með síðari breytingum, reglugerð nr. 1150/2018, um sjálfstætt rekna grunnskóla og önnur lög og reglugerðir sem gilda um starfsemi grunnskóla.

Réttindi og skyldur nemenda skulu vera í samræmi við gildandi grunnskólalög á hverjum tíma, reglugerðir settar samkvæmt þeim og aðalnámskrá grunnskóla.

Um framlagið samkvæmt samningi þessum gilda reglur Reykjavíkurborgar um styrki. Þess skal getið í kynningarefni skólans að hann njóti styrks frá Reykjavíkurborg, Skólanum ber að skila skóla- og frístundasviði kyngreindum gögnum um þá sem eftir atvikum veita eða njóta þjónustu eða gæða vegna styrkveitingarinnar.

Starfsfólk skólans skal gæta fyllstu þagmælsku um hagi foreldra og barna þeirra sem það fær vitneskju um í starfi sínu og leynt skulu fara samkvæmt lögum, fyrirmælum yfirboðara eða eðli máls. Þagnarskylda helst þótt látið sé af starfi. Brot á þagnarskyldu getur varðað refsingu samkvæmt almennum hegningarlögum.

Skólinn fylgir ákvæðum laga nr. 91/2008, um grunnskóla og ákvæðum stjórnsýslulaga nr. 37/1993 við tóku ákvarðana sem eru kæránlegar skv. 47 gr. laga nr. 91/2008, um grunnskóla auk þess sem lög um upplýsingarétt nr. 140/2012 geta átt við um starfsemina.

Til samræmis við lög um grunnskóla ber skólanum að hafa skólanámskrá sem byggir á gildandi aðalnámskrá og ber að skila skóla- og frístundasviði starfsáætlun ár hvert samkvæmt reglum og viðmiðum sviðsins hverju sinni.

Skólinn fylgir ákvæðum laga um persónuvernd og vinnslu persónuupplýsinga nr. 90/2018 enda telst hann ábyrgðaraðili persónuupplýsinga vegna vinnslu þeirra í starfsemi skólans. Skólanum ber að tryggja að miðlun upplýsinga skv. samningi þessum til skóla- og frístundasviðs sé í samræmi við framangreind lög um persónuvernd og vinnslu persónuupplýsinga.



2. gr. Rekstrarframlag

Framlagið nemur 75% af vegnu meðaltali heildarrekstrarkostnaðar allra grunnskóla sem reknir eru af sveitarfélögum í landinu á hvern nemanda samkvæmt útreikningi Hagstofu Íslands. Gildir þetta hlutfall fyrir skóla með allt að 200 nemendur. Fjölgi nemendum umfram 200 nemur framlagið 70% af framangreindu vegnu meðaltali fyrir hvern nemanda umfram 200.

Greitt er framlag vegna allt að 36 nemenda.

Greiðslurnar taka breytingum til hækkunar eða lækkunar eftir útreikningum Hagstofunnar.

Framangreint framlag Reykjavíkurborgar við skólann, sem er framlag vegna reksturs skólans allt árið, verður greiddur með 9 greiðslum síðasta virka dag hvers mánaðar fyrir líðandi mánuð. Ekki er greitt mánuðina júní, júlí og ágúst. Framlagið miðast við fjölda nemenda í skólanum í yfirstandandi mánuði, sem eiga lögheimili í Reykjavík og nemendur sem eru fósturbörn, ef fósturforeldrar eiga lögheimili í Reykjavík. SFS krefur sveitarfélag sem ráðstafar barni í fóstur um kostnað vegna skólagöngu barns í fóstri hjá fósturforeldrum með lögheimili í Reykjavík.

Um greiðslu kostnaðar vegna stuðnings við nemendur með metnar sérþarfir og nemendur með annað móðurmál en íslensku er vísað til 6. og 7. gr. sammingsins.

Skólanum ber að koma réttum upplýsingum um fjölda nemenda til SFS fyrir 5. dag hvers mánaðar til að hægt sé að greiða rétta fjárhæð í lok mánaðarins.

Skólanum er heimilt að taka nemendur í skólann sem ekki eiga lögheimili í Reykjavík en Reykjavíkurborg greiðir hvorki framlag né annan kostnað vegna þeirra.

Skólanum ber að skila til SFS starfsáætlun, þ.m.t. upplýsingum um fjölda nemenda á komandi skólaári, eigi síðar en 1. maí ár hvert. Listi yfir nemendur sem stunda nám í skólanum í ágústlok skal sendur SFS eigi síðar en 1. september. Skólanum er jafnframt skylt að veita sviðinu aðgang að nemendaskrá og upplýsingar um innritaða nemendur þegar þess er óskað.

Skólanum er heimilt að óska eftir breytingu á viðmiði um fjölda nemenda sem greitt er framlag vegna ef sýnt er fram á að fjölgun nemenda verði umfram framangreindan hámarksfjölda nemenda í 2. mgr. 2. gr. sammings þessa. Umsókn skal berast með starfsáætlun eigi síðar en 1. maí ár hvert. Skal ákvörðun Reykjavíkurborgar vegna beiðni um breytingu á viðmiði liggja fyrir eins fljótt og auðið er og eigi síðar en 10. júní.

Rekstrarafgang af starfsemi skólans, sem rekja má til opinberra fjárveitinga, skal nýta til að efla skólastarfið. Í ársskýrslu skólans til Reykjavíkurborgar skal gerð grein fyrir því hvernig framangreindur rekstrarafgangur er metinn og hvernig honum er varið.

3. gr. Gjaldtaka

Skólanum er heimilt að taka gjald af foreldrum vegna kennslu og skólamáltíða.

4. gr.

Innritun nemenda

Skólanum ber að setja sér reglur um innritun nemenda sem byggðar skulu á ákvæðum grunnskólalaga um skóla án aðgreiningar þar sem allir nemendur eiga sama rétt til að innritast í skólann án tillits til líkamlegs eða andlegs atgervis.

5. gr.

Sérfræðipjónusta

Skólinn á rétt á sömu sérfræðipjónustu og almennir grunnskólar frá þjónustumiðstöð Reykjavíkurborgar í því hverfi sem skólinn er staðsettur.

6. gr.

Stuðningur við nemendur með sérþarfir

Skólinn getur sótt um fjármagn vegna sérstaks stuðnings fyrir nemendur með metnar sérþarfir, samkvæmt reglum SFS á hverjum tíma. SFS greiðir 45% af úthlutaðri fjárhæð vegna haustannar fyrir 1. nóvember og 55% vegna vorannar fyrir 1. apríl. Þarfnist nemandi með lögheimili utan Reykjavíkur sérstakrar aðstoðar eða aukins stuðnings semur skólinn sérstaklega um viðbótargreiðslur við viðkomandi sveitarfélag.

7. gr.

Nemendur með annað móðurmál en íslensku

Skólinn getur sótt um úthlutun fjármagns samkvæmt reglum SFS á hverjum tíma vegna kennslu í íslensku fyrir nemendur af erlendum uppruna sem eiga lögheimili í Reykjavík. Um kostnað vegna kennslu í íslensku fyrir nemendur af erlendum uppruna sem eiga lögheimili í öðrum sveitarfélögum, semur skólinn sérstaklega við viðkomandi sveitarfélag.

8. gr.

Upplýsingar, mat og eftirlit

Skólinn skal lúta sama eftirliti með innra starfi og aðrir grunnskólar í Reykjavík. Þeir skulu framkvæma innra mat með því að meta með kerfisbundnum hætti árangur og gæði skólastarfsins með virkri þátttöku starfsmanna, nemenda og foreldra eftir því sem við á. Skólanum ber að birta á heimasíðu sinni upplýsingar um innra mat, tengsl þess við skólanámskrá og áætlanir um umbætur.

SFS framkvæmir ytra mat og ber skólanum að láta sviðinu í té allar upplýsingar sem nauðsynlegar eru til að framkvæma matið og til að sinna að öðru leyti eftirlitsskyldu sinni.

Við undirritun samnings þessa liggur skólanámskrá skólans fyrir. Skólastjóra er skylt að endurskoða skólanámskrána reglulega og leggja hana fyrir skóla- og frístundaráð til staðfestingar.

Starfsáætlun skólans fyrir komandi skólaár skal send skóla- og frístundaráði til staðfestingar fyrir 1. maí ár hvert.

9. gr.

Ársskýrsla

Skólinn skal skila ársskýrslu ásamt endurskoðuðum ársreikningi til SFS fyrir 1. maí ár hvert fyrir liðið fjárhagsár.

HLU

10. gr.

Fundir og námskeið fyrir skólastjórnendur

SFS skal upplýsa og bjóða stjórnendum skólans á reglubundna fundi sem yfirstjórn SFS heldur með skólastjórnendum í Reykjavík. Jafnframt skal bjóða stjórnendum skólans að sækja námskeið á vegum SFS gegn greiðslu kostnaðar.

11. gr.

Endurskoðun samnings

Ef upp koma breytingar í starfsumhverfi viðurkenndra grunnskóla sem reknir eru af öðrum en Reykjavíkurborg er samningsaðilum heimilt að óska eftir endurskoðun samningsins með tilliti til þeirra.

12. gr.

Framsal

Samningsaðilum er óheimilt að framselja réttindi sín og/eða skyldur samkvæmt samningi þessum, í heild eða að hluta, nema að fyrirframfengnu skriflegu samþykki hins.

13. gr.

Force Majeure

Hvorugur aðili verður talinn hafa brotið gegn samningi þessum, þegar honum er ókleift að uppfylla samningsskyldur sínar vegna atvika, sem rekja má til óviðráðanlegra ytri atvika (force majeure), s.s. vegna alvarlegra slysa, stríðsátaka, náttúruhamfara, deilna á vinnumarkaði, fyrirmæla stjórnvalda eða annarra óvæntra og ófyrirséðra atvika, sem samningsaðilum er ekki unnt að fyrirbyggja.

14. gr.

Gildistími og uppsögn

Samningurinn tekur gildi 10. júní 2019. Samningurinn gildir til þriggja ára og fellur brott án uppsagnar að þeim tíma liðnum. Litið er svo á að samningur aðila dags. 20. október 2015 hafi haldið gildi sínu fram að gildistöku þessa samnings. Gerður er fyrirvari af hálfu Reykjavíkurborgar um að fjárveitingar SFS eru gerðar með fyrirvara um fjárheimildir skv. fjárhagsáætlun á hverju ári eftir fyrsta ár samningsins.

Þjónustusamningur þessi er uppsegjanlegur af hálfu beggja aðila með eins árs fyrirvara.

15. gr.

Endurkrafa á ofgreiddu framlagi og vanefndir

Komi í ljós að SFS hafi ofgreitt framlag af einhverjum ástæðum, t.d. vegna rangra upplýsinga eða mistaka mun SFS lækka framlag til skólans við næstu greiðslu sem því nemur eða krefjast endurgreiðslu. Skólinn getur óskað eftir að endurgreiðslu verði skipt á þrjá mánuði.

Komi til vanefnda af hálfu annars hvors aðila samnings þessa er hinum aðilanum heimilt að grípa til viðeigandi vanefndaúrræða. Sé um verulega vanefnd að ræða er heimilt að grípa til riftunar að undangengnum hæfilegum fresti til úrbóta.

4
Hau

16. gr
Fyrirvari um staðfestingu á þjónustusamningi
Afturköllun staðfestingar

Samningur þessi er gerður með fyrirvara um staðfestingu Menntamálastofnunar, sbr. 2. mgr. 43. gr. a. laga nr. 91/2008 og 4.-6. gr. reglugerðar nr. 1150/2018, um sjálfstætt rekna grunnskóla.

Afturkalli Menntamálastofnun staðfestingu sína á þjónustusamningi þessum fellur samningurinn úr gildi án uppsagnar.


17. gr.
Varnarþing


Komi til þess að mál verði höfðað vegna ágreinings um samning þennan skal það rekið fyrir héraðsdómi Reykjavíkur.

18. gr.
Undirritun


Samningur þessi er gerður í tveimur (2) samhljóða eintökum og heldur hvor aðili sínu eintaki. Öllu framangreindu til staðfestu rita til þess bærir fyrirsvarsmenn/fulltrúar aðila nöfn sín hér undir í votta viðurvist.


Reykjavík, 13. maí 2019



F.h. Skóla - fristundasviðs Reykjavíkurborgar



F.h. Suðurhlíðarskóla

Vottar að rétttri dagsetningu, undirritunum og yfirlýsingu aðila um fjárræði sitt:


Ragn Kristbjörnsd. 14 0511892219




Ólafur 281267-5075


Hla Ármannsdóttir

Fylgiskjal: Reglur Reykjavíkurborgar um styrki.

**Viðauki við þjónustusamning um framlag
vegna nemenda í skólanum sem eiga lögheimili í Reykjavík
og fósturbarna ef fósturforeldrar eiga lögheimili í Reykjavík.**

1. gr.

Skóla- og frístundasvið Reykjavíkurborgar, kt. 530269-7609 og Suðurhlíðarskóli, kt. 440169-3259, gerðu þann 13. maí 2019 með sér samning um framlag vegna nemenda í skólanum sem eiga lögheimili í Reykjavík og fósturbarna ef fósturforeldrar eiga lögheimili í Reykjavík.

Aðilar framangreinds samnings hafa nú ákveðið að gera viðauka við samninginn.

1. gr.

Á fundi skóla- og frístundaráðs þann 24. júní 2020 og í borgarráði þann 2. júlí 2020 var samþykkt tillaga um beiðni um fjölgun nemenda í Suðurhlíðarskóla og að viðmið um hámarksfjölda reykvískra barna sem heimilt er að greiða framlag vegna til Suðurhlíðarskóla verði breytt með þeim hætti að heimilt verði að greiða framlag vegna 41 barna í stað 36 áður. Breytingin taki gildi frá og með skólaárinu 2020-2021. Samkvæmt viðauka þessum er gerð sú breyting á samningnum að 2. mgr. 2. gr. verður svohljóðandi:

„Greitt er framlag vegna allt að 41 nemenda“

Breytingin tekur gildi frá og með skólaárinu 2020-2021, nánar tiltekið 24. ágúst 2020.

3. gr.

Viðauki þessi telst vera hluti framangreinds samnings frá 13. maí 2019 og gilda sömu ákvæði um uppsögn og endurskoðun samningsins.

Að öðru leyti en greinir í viðauka þessum gilda ákvæði gildandi samnings dags. 13. maí 2019. Að því leyti sem ákvæði þessa viðauka og gildandi samnings kunna að teljast ósamrýmanleg gilda ákvæði þessa viðauka.

4. gr.

Rísi ágreiningur um efni og/eða túlkun samningsaðila á viðaukanum skal reka ágreiningsmál fyrir héraðsdómi Reykjavíkur.

5. gr.

Viðauki þessi er gerður í tveimur samhljóða eintökum, eitt handa hvorum samningsaðila.

Viðaukinn er undirritaður af sviðsstjóra skóla- og frístundasviðs f.h. Reykjavíkurborgar og þeim sem heimild hafa til að skuldabinda Suðurhlíðarskóla.

HLU

Reykjavík 30.07.2020

Heldur Guðmundsson

F.h. skóla- og frístundasviðs

Vottar að rétttri dagsetningu og undirritun

Lifa Rímansdóttir

F.h. Suðurhlíðarskóla

Vottar að rétttri dagsetningu, undirritun og yfirlýsingu leikskólans um fjárræði:

Heigunn Þorsteinsdóttir
Amalgarðsdóttir

²²⁰³⁶⁹⁻⁵²⁸⁹
Steinnur H. Theodorsson
Jörgen Eric Guðmundsson 256749-3179